

Mampruli - Siiya Toppu Litaafi - SW Intro Scriptures

Luuki 17:5 To, ka tuumudima maa daa yeli ba dugma, ni, "Paasim ti yedda!"

Room Dima 10:17 Dinjona yedda niqbun yiiri la mooligu maa wumpu ni, ka mooligu wumpu mun yiiri la Kirisita yeligu ni.

Luuki 11:1 Dahnseaa ka Yisa daa ti be luginseelli n-susiri Naawunni; ka jõn daa ti susi n-naai, u nyaandõlisõ daa yeli u, "Ti Daana, wulisim ti Naawunni susigu soori hoo Gyöni jõn daa wulisi u nyaandõliba seem la."

1 Timoti 2:1-4 Din dañji tooni ka n kpamsiri sõkam nyé la nõja :- Yan susim Naawunni n-tiri ninsaalidima zaa, ka puusiri u ba zugu, ka zõri ba sindaani u saani. 2 Ka ya laa m-puusiri u lala n-tiri nadima ni bankam su fukumsi la. Dina nin kyé ka ti be baalimm ka yetto'aseaa ka ti, ka ti kpalim n-dõli la Naawunni soori n-gyeemni u sunjasunja. 3 Dinjõ n veela ka Naawunni nini n tigri di. Ka jõn Naawunni n nyé ti tuligra, 4 ka boori ni sõkam zaa ti tuligi ka bañji yelimanjní jõn nyé seelli.

Luuki 22:31 Ni, "Nyin Saimoon, nyama! Sintaani boori ni u zamsi ya hoo ban yeeli kyi n-nya kasuma seem la.

Zakariiya 3:1,2 - Gyuuda 1:9 Ya bu nya, halli malaakadima zuguraana maa, Maikyeli la, daa bu tu Sintaani gba, Musa jõn daa kpi ka ba daa mari nangbankpeemni n-ti taaba zañji n-kyanji u ningbiñju yela. Ay! - u daa kur yeli u, ni, "Ti Dugma nin boosi i!"

Esesusi Dima 6:12 Dama ti bu moori ni ninsaalidima, amaa saazugu yiiko dima ka ti zabra, ni saazugu naam dima, ni seeba ban su duniya wa fukumsi ka be la zibsim ni la - halli siseeba ban be saazugu m-mari yeliberei yiiko la zaasa.

Esesusi Dima 6:10,11 Di zaa nyaanjña, ya kpamsim ya mansi ti Dugma saani, ka kyé ka u yiiko titaari be ya saani. 11 Ya yeema Naawunni gba'anu ka deaai u toppu neema zaa. Anjo nin kyé ka ya nyaanjña Sintaani yomsigu putoyam zaa.

Esesusi Dima 6:13-17 Dinzugu ya deaam Naawunni toppu neema zaa, ka lala nin kyé ka ya tuusi dabsibeoo daari toppu la n-ze deede; ka di zaa yi ti naai, ya nin nyé la ban nin kpalim n-ze ya gbaya zugu. 14 Dizugu ya ze deede. Ya looma ya seaa sunja - yelimanjní maa nyé la ya lala selooriga; ka zañji gba'anu n-ta'ai ya nyaari - ya beesigu jõn tuusi seem la nla. 15 Ya pirima mugrikpeema - di nyé la : ya maalim siri ni ya mooli sufudoaa lahabusunju maa. 16 M-paasi, Sintaani nin to ya bugum piima, see ka ya mari bunni n-ta'ai a n-kpiisi a - ya yedda niqbun mun nla. 17 Ka laa m-pili soogyadima kutti zupiliga - di nyé la : tuliginsim din ta'ari ya; ka zañji takoobi n-kyeera - Naawunni yeligu maa ñmanni la u Sii Kasi suu wa n-ti ya.

Hibruu Dima 4:12 Naawunni yeligu mari la nyovuri, ka tumni ka tuma pam. Di ñmani la suuwa, ka diri n-gaari takoobi kan mari noya ayi; ka ñmaari ni n-wõligri ninsaala sii ni u ningbiñju ziyya, ka laa m-paari u kõbtuga ni kõba

kpaam. Lala ka Naawunni yeligu siri viisiri m-baŋŋni ninsala sufu boorim ni u sufu ni teesa zaa ḥon nyę seem.

Luuki 4:8 Ka Yisa labsi n-yeli u, "Di pun sɔbi n-dɔya, ni :- 'Naawunni yinni kɔkɔ N sumsi gbaanigu ni gyeeŋju. Ka Dɔna n nyę ya Dugma.' "

Esesusi Dima 6:18 Ya mari wunsusigu sahakam, n-susiri m-belimni Naawunni yan boori seelikam, Sii Kasi maa soori ni. Halli ya galima gogala gba, ni ya ti susira; yan belimma u, ka teawai u u maŋtoori niriba zaa yela.

1 Samuweli 17:45-47 - Dauda & Goliath

Luuki 10:17-20 Ka Yisa ḥon daa tum ninvugpisiyɔpɔi ni ayi seeba la n daa ti kyanji ka labi u saani na ni sufupeelli, nti yeli u, ni, "Ti Dugma, halli arizimbeeri gba ka ti nyanji i yuuri zugu!" 18 Ka u yeli ba, "N gɔsi n-nya ka Sintaani mammaŋja yi saazugu n-lu na kaman saa ḥon yi nyakki seem la!", ni, 19 "Ya nyama, n ti ya soori ni ya nin toaai n-nɔ wugi ni nansi yɔriyɔri, ka nyanji ti Dindaana maa kpeenju zaa, ka bunseelli kam ku toaai n-ninji ya seela. 20 Amaa dinjɔ zaa yɔri, yan di kyę ka ya sufu pɔlgi ni yan nyanji arizimbeeri maa zugu, amaa ya kyę ka ya sufu pɔlgi ban pun sɔbi ya yuya arizana ni maa zugu."

2 Kɔrinti Dima 10:3-5 Ni ti bɛ la duniya wa ni maa zaa yɔri, ti bu zabri hoo duniya wa tɔppu ḥon tuusiri seem. 4 Neenseesi tin mari n-zabra maa pa la duniya wa tɔppu neema: ay! - a mari la Naawunni yiiko, n-nyanji n-sa'amni kpeenju ziziisi. Ti sa'amni la nangbankpeemni yela gba, 5 m-paasi bunseelikam zaa kan duusiri kamaŋja ka za'asiri Naawunni yela bamsim. Ti mun zabri ni ti ti gbaasi sufu ni teesa zaa, n-kyę ka a zaa ti wum n-ti Kirisita.

2 Timoti 1:7 Dama Naawunni daa bu zaŋŋi la u Siiya n-ti ti, ni u ti kyę ka ti zɔri dabeem; amaa u Sii maa nin kyę ka ti mari yiiko ni wurilim, ka mari ti mansi sunŋa.

Matiyu 12:28,29 Ka m mun zaŋŋi la Naawunni Siiya n-katti arizimbeeri n-yiisiri niriba ni, dinjɔna Naawunni naam daŋŋi m-paai ya na. 29 Ka ba ya niŋi la wula n-kpɛ yaa daana yiri n-zu u neema maa ka di pa la ba daŋŋi n-ł lala yaa daana maa ka naayi nyanji n-fa u yiri ni buna zaasa?

Esesusi Dima 1:13 Ka yarima gba daa wum yelimanji yetto'a, Naawunni yeligu tuliginsim lahbasunju la. Ka yan daa niŋi yedda la, ya daa deaai Naawunni Sii Kasi la hoo daalimni din wulisiri, ni, Yisa su ya yela. Halli Naawunni daa pun basi noori, ni, u nin niŋi lala.

Tuumudima Tuma 19:6 Ka Pɔla daa zaŋŋi u nuusi m-pa ba zugri, ka Naawunni Sii maa daa paali ba na, ka ba daa tɔ'asi yetto'azuna balibubalibu, ni anabitiri yela.

Maaki 16:15-18 Ka u daa yeli ba, ni, "Ya kyam nti gyili duniya lugri kam zaa m-mooli lahbasunju wa yela n-ti Naawunni ḥon naam so zaa. 16 Ka ḥonkam niŋi yedda n-su Naawunni koom nin nya tiliginsim, amaa ḥonkam za'asi ka bu niŋi yedda nin baasi yɔri. 17 Ka tunkara anjɔ nin bɛ yedda dima saani: n yuuri maa ni ka ba nin kari arizimbeeri n-yiisi niriba ni, ba nin tɔ'asi yetto'a

balibabalibu, 18 ba yi ti gbaai wugi ni ba nuusi, bee, n-nyu tibeoo, di bu ya ninji ba seseelli; ba nin zañji ba nuusi m-pa baaridima zugri ka ba nya alaafea."

1 Gyōni 1:9 Amaa ti yi ti yiisi ti tumbeeri yela n-yeli Naawunni, u nin niñi hoo ñon daa pun yeli seem la, ka tum din nyε deede; u nin kyε ti tumbeeri taalli m-peñji ti, ka nyeesi ti galinju yela ni a da'ari zaa m-basi.

Yuuma 109:17 - Gyeemsi 3:10 Nangbanni yinni maa ni ka yettø'asuma yiiri na, ni yettø'abeeri m-paasi. M mabiisi, lala ka soori halli beela.

Judges 16:16 - 2 Piita 2:7,8 Amaa u daa fa Løti m-basi. Bo zugu? Løti daa nyε la ninvugsunju. U daa nyari ninvugseeba ban daa za'asi kaari ni sɔsuma zaa la, ka nya ba tumbeeri an daa nyε seem, ka u sufu daa sa'am di zugu. 8 Dɔsuñju wa daa kur bε la ba saani dabsiri kam zaa. U daa bε ni n-nyari ba tunkyo'ama ka wumni ba ala'akyi damni, ka di daa diisi u wahala pam.

Esesusi Dima 4:26 Ni, "Halli ni ya sufu yi yisigi, yan di tum putoo."; yan di kyε ka ya sugyaaa yuui halli ka wuntañja ti lu.

Room Dima 14:12 Dizugu ti sɔkam zaa nin tɔ'asi u toori beebu yettø'a n-ti Naawunni.

1 Gyōni 2:23 Ninvugso ñon za'asiri Naawunni Bii la, u Ba Naawunni gba ka u za'asira. Ðøn mun sakki n-ti Bii maa, u sakkri n-tiri u Ba maa gba.

Gyōni 14:6 Ka Yisa labsi n-yeli u, ni, "Mani n nyε soori maa; mani n nyε yelimañni gba, ka mani n nyε nyɔvuri m-paasi. Sø ku toaai n-kyanji m-paai ti Ba Naawunni saani faasee ka u døli ma n-kyanji.

Matiyu 11:28-30 Ni, "Ya ninvugseeba ban zi zikara n-gyε zaa, ya kyεma n saani na, ka n nin kyε ka ya vuusi. 29 Kyε ka man ni yarim la'am n-tumna: di ñmani la hoo nigi ayi ñon darigri na'adoo seem, ya nin ti bamsi tuma man saani, dama ninvugmajni n nyε ma, ka laa m-mari sufubaalim. Ya nin vuusi ni sufudoaa. 30 Dama n na'adoo wa ku ñmaari ya, ka n ziya maa fa'asi ni."

2 Kɔrinti Dima 6:2 Dama u yeliya, ni :- "Sahasunju maa deede ka n daa wum n-ti ya, Halli tuliginsim dabsiri daari ka n daa suñji ya." ka mani n yetti ya wa, ni, pampañju n nyε Naawunni 'sahasunju' wa, ka 'tuliginsim daari' wa n nyε zuna.

Room Dima 10:13 Ni, "Ðønkam mi ti Dugma yuuri ka susiri u la nin nya tuliginsim."

Exodus 20:5 - sin cursed to 3 & 4 generations